

Gabungan tenaga YS-UMS terserlah

KOTA KINABALU: Gabungan tenaga yang ditonjolkan antara Yayasan Sabah dan Universiti Malaysia Sabah, menjalankan program sijil pendidikan prasekolah membuka lembaran baru bagi menjana keberkesanan Pendidikan Negara di peringkat lebih tinggi.

Pengarah yaysan itu, Datuk Musa Haji Aman berkata program sijil pendidikan prasekolah yang diperkenalkan melalui gabungan tenaga itu merupakan pencapaian objektif pendidikan yang menjurus kepada golongan guru yang berkeinginan mencapai tahap lebih cemerlang.

"Program yang dilaksanakan oleh Jabatan Latihan Pusat Perkembangan Kanak-Kanak dari tahun 1993 hingga 1996 lepas, telah melahirkan seramai 106 pelatih yang kini bertugas sebagai guru tadika di beberapa tadika swasta dan kerajaan," jelasnya.

Beliau berkata demikian sewaktu berucap pada majlis penutupan dan penyampaian sijil, program sijil pendidikan prasekolah UMS/YS sesi 1997/98 di dewan besaran Pustaka cawangan Sabah di sini kelmarin.

Musa yang juga

wakil rakyat Sungai Sibuga berkata, keberhasilan program yang diperkenalkan itu kini telah memberikan kesan positif yang mampu mendidik kanak-kanak ke arah mercu kejayaan.

"Kemampuan guru-guru lepasan prasekolah bukan setakat pengisian pengajaran, malah ia berkemampuan memberikan pengetahuan pengajaran yang merangkumi kemahiran kaedah teknikal dan strategi pembelajaran pendidikan prasekolah," jelasnya.

Pengarah yaysan itu melahirkan harapan agar satu perjanjian kerjasama dan persefahaman dapat dibuat segera antara Yayasan Sabah dan Universiti Malaysia Sabah agar jalinan

kerjasama ini dapat didasarkan kepada satu persetujuan yang jitu dari kedua belah pihak.

Beliau juga berharap agar jalinan kerjasama dengan Universiti Malaysia Sabah akan mempertingkatkan lagi keyakinan pusat jagaan atau pengusaha tadika terhadap program kursus pendidikan prasekolah ini.

Pada majlis itu juga, Datuk Musa turut menyampaikan kepada seramai 73 pelatih yang telah berjaya menamatkan kursus mereka.

Para tetamu juga turut dipersembahkan dengan berbagai acara kesenian oleh para pelajar program disamping pameran hasil kerjatangan mereka selama meng-



SEMOGA MAJU JAYA... Musa (tengah) semasa menyampaikan sijil kepada salah seorang pelatih program. Turut kelihatan Dr. Abu Hassan Othman dan pengurus Kumpulan Pusat Prkembangan Kanak-kanak yaysan Sabah, Puan Nabsia Yunus.

ikuti kursus tersebut. Turut hadir pada majlis ini ialah Naib Canselor Universiti

Malaysia Sabah, Prof Dr. Abu Hassan Othman, pegawai-pegawai dari Yayasan

Sabah dan Universiti Malaysia Sabah serta keluarga para pelatih program. -Oleh YB

28 JUN 1998
BORNEO MAIL